

Ilaqutariinnermut Peqqittsutsimullu Naalakkersuisoq
Landsstyremedlem for Familie og Sundhed



Inatsisartunut ilaasortaq Jens B. Frederiksen
Demokraatit
/maani

§ 36, imm. X-imut apeqqut pillugu:

Naalakkersuisut peqquneqarput paasissutissiissasut, illoqarfiit aamma nunaqarfiit sorliit ulloq 1. januar 2009 aallarnerfigalugu angajoqqaanngortussanut pikkoris-sartitsinissamik neqerooruteqarnersut. Inatsisartummi aalajangiipput Inatsisartut 2006-imi ukialernerani ataatsimiitillutik, pikkorissartitsinerit taamak ittut ulloq taanna aallarnerfigalugu periarfissaalissasut.

Ulloq: 23.01.2009
J.nr. 0/2009

Postboks 260
3900 Nuuk
Oq/tel +299 34 50 00
Fax +299 32 55 05
ipn@gh.gl
www.nanoq.gl/ipn

Demokraatiniit, Inatsisartunut ilaasortamut Jens B. Frederiksenimut qujanaq, apeq-quteqarnermigut naartusunut angajoqqaanngortussanullu tunngatillugu siumut sammisumik isiginiagaqarmat.

Angajoqqaanngortussat pikkorissartinneqarnissaannut aningaasat Inatsisartut 2008-mi ukialernerani ataatsimiitillutik akuerivaat, tassani 2009-mi aningaasanut i natsimmi aningaasanik immikkoortitsisoqarluni.

Naalakkersuisut nangitsinissaq aallartinnikuuvaat periarfissanillu misissuisimallutik, siunnersuut qanoq ililluni kommunini naammassineqarsinnaanersoq.

Massakkorpiaq naalakkersuisut illoqarfiit aamma nunaqarfiit assigiinngitsut sinni-isuutitassaannik, angajoqqaanngortussanut ilinniartitsisussanik pikkorissartitsinis-sa-mut pilersaaruserput. Pilersaarutaavoq, peqqissaasunut ikiortit, perorsaasut, isumaginninnermi siunnersortit, juumuut periarfissaqassappallu tarnip pissusaanik ilisimasallit siulliullugit pikkorissartitneqassasut. Ilinniartitsisut ilinniartinneqassap-put, taamaalilluni pikkorissarnissamik neqeroorutip aallartinnginnerani illoqarfimmi nunaqarfimmilu najugarisami ilinniarsimasunik atituumik ataqtigijaartoqalereernis-saa siunertaralugu.

2009-ip upernaavata ingerlanerani ilinniartitsisussanik pikkorissaanerup siulliup pi-nissaa naatsorsuutigineqarpoq, tamatumalu kingorna illoqarfinni tamani pikkoris-sarnissamik neqerooruteqartoqassaaq. Maannakkuugallartoq Naalakkersuisut il-loqarfinni nunaqarfinnilu ataasiakkaani pikkorissartitsinissat qaqugu pinissaat oqaatigisinnaanngikkallarpat.

Anguniakkat pilersaarutillu tassaapput, 2009-ip ingerlanerani illoqarfimmi nunaqarfimmilu najugarisami angajoqqaanngortussanik pikkorissaasarnissat ingerlanneqarnissaat.

Inussiarnersumik inuulluaqqusillunga

Naja Petersen

Ilaqutariinnermut Peqqissutsimullu Naalakkersuisoq